



# Reach Energy dapat perlbur utama untuk IPO RM750 juta - sumber

on 23 July 2014. Posted in [Berita Harian](#)

KUALA LUMPUR: Reach Energy Bhd, syarikat tujuan khas pengambilalihan (SPAC) sudah mendapatkan hingga tujuh pelbur utama untuk melanggan tawaran awam permulaan (IPO) syarikat itu yang dianggar akan meraih RM750 juta.

IPO itu bakal menjadi penyenaraian terbesar sebuah syarikat tanpa aset di Malaysia. SPAC diasaskan dengan sasaran membeli syarikat lain yang kemudiakan akan disepadukan dalam perniagaannya.

Pelbur utama berkenaan dikatakan akan melanggan hingga RM150 juta IPO itu, kata sumber berkenaan. Pelbur utama termasuk Lembaga Tabung Haji (TH), CIMB Principal Asset Management, Hong Leong Asset Management dan MTD Capital Bhd.

Pelbur utama penting dalam kejayaan sesebuah IPO kerana akan membolehkan penaja jamin menunjukkan kepada pelbur institusi bahawa janji niaga itu sudah mempunyai sokongan kukuh. Sebagai imbalannya, pelbur utama menerima saham keutamaan.

Bagaimanapun, tidak seperti IPO lain di Malaysia, pelbur utama dalam Reach tidak tertakluk kepada tempoh sekatan jualan, kata sumber itu sambil menambah Reach dijangka disenaraikan 15 Ogos ini.

Reach yang diterajui Hamid Mohd Ismail yang sebelum ini menerajui Shell Refining Company Bhd merancang membeli firma yang terbabit dalam pengeluaran dan penerokaan minyak dan gas di Asia, mengikut draf prospektus itu.

IPO Reach merangkumi satu bilion saham pada harga terbitan 75 sen seunit. IPO itu ditawarkan bersama satu bilion waran boleh pisah percuma pada asas satu waran bagi satu saham yang dilanggan.

Hong Leong Investment Bank adalah penasihat utama, ejen penempatan dan penaja jamin.-Reuters

[Original Source](#)